

廣東考古輯要卷十三

第宅

廣州府

四峯書院 南海縣西樵寶林洞四峯中若盤谷爲霍文敏公

宅中有崇禮堂前爲環翠樓後爲卧雲樓

雲谷書院 縣西樵山上明湛若水建

大科書院 縣西樵湛甘泉講學之地

石泉書院 縣西樵明方獻夫建有記中有紫雲樓沛然堂

壽安院 在舊威遠門外宋寶祐間提舉劉震孫建廨庫於南

濠街收其息以贍貧病者李昂英有記元季燬

南漢廢宮 縣子城中五代史南漢世家劉氏有南宮大明昌

華甘泉玩華秀華玉清太微諸宮凡數百不可勝記今盡湮

廣東考古輯要

卷十三

第宅

一

宮有鐵柱十二宋柯述取其四植於帥府正廳今藩司署鐵柱是也一沒於城東濠一沒於直司泥淖中餘莫知所在又有離宮在藥洲之上

南越王弟建德故宅 在西城內卽今光孝寺吳虞翻移交州時所居有園池

劉氏雙闕 縣境宋乾道中劉氏二女其母久病一刲肝一剔股以奉之母乃瘳連帥龔茂良上其事旋卽所居立闕

廣安宅 在崇報寺東宋淳熙中運使管鑑兼提舉常平請於朝以沒官田給仕宦子孫之落南者宋末燬故址今爲南海縣

何潛故居 縣境明陳獻章東曉序略云何氏子居南海之濱更名潛榜其居曰東曉

尉佗樓 在南粵王廟址唐許渾登此有詩云南來作尉任囂
力北向稱臣陸賈功簫鼓尚陳今世廟旌旗猶鎮昔時功
斗南樓 在府治後城上東瞰扶胥西望靈洲南瞻珠海北倚
越臺森列萬象四望豁然宋經畧朱師復建師復有詩

清海軍樓 縣境宋元符二年柯公述所創折公彥質重建於
紹興二十年見宋方信孺南海百詠

越樓 在闌闌中輪囷爲一郡壯觀昔名共樂樓程師孟有詩
詩隱樓 縣境宋黃鏞築李昂英有記

嶺南第一樓 在坡山五仙祠前卽禁鐘樓明洪武七年參知
政事汪廣洋建十年改鑄禁鐘繫之聲聞十里

控海樓 在靈洲舊名樓霞閣明副使徐文溥更今名
奎翰樓 在梁文康公祠儲厯事四朝所賜墨書數百函其子

廣東考古輯要

卷十三

第七

二

孫構樓藏之

望氣樓 在靈洲山晉郭璞至此占曰南海盛衣冠之氣後人
遂建茲樓

賜書樓 在官祿巷又清寧里有宸翰樓俱明方獻夫建

吹笙亭 在浮邱山明萬厯庚辰翰林侍讀趙志皋以忤宰執
出爲粵副憲闢其地爲紫烟樓晚沐堂又建浮邱葛洪二仙
祠及吹笙亭鑿方池於其前爲郡西遊賞勝處

鑑空閣 縣城上宋蘇軾詩明月本自明無心孰爲境挂空如
冰鑑寫此山河影

廣朗閣 在西樵山又有二妙閣俱明湛若水建

廣平堂 縣境南海百詠宋廣平都督廣州越俗始知棟宇張
燕公嘗爲遺愛碑頌

十賢堂 縣城內宋元祐中經畧張頡取前代賢牧滕修吳隱之王琳宋璟盧奐李尚隱李勉孔戣盧鈞蕭傲十人祀之見輿地紀勝又宋史蔣之奇傳云之奇知廣州以南海饒寶貨爲吏者多貪聲取前世牧守有清節者吳隱之宋璟盧奐李勉等繪其像建十賢堂以祀冀變其習

八賢堂 在十賢堂東南輿地紀勝云淳熙中經畧周自強取本朝賢牧潘美向敏中余靖魏瓘邵奕陳世卿陳從易張頡立祠

元老壯猷堂 縣境宋建李昂英有記

師悟堂 縣境宋史廖德明傳德明在南粵時立師悟堂刻朱熹家禮及程氏諸書公餘延僚屬及諸生親爲講說遠近化之

廣東考古輯要

卷十三

第七

三

世德堂 在郡城西亭子岡爲宋司務羅寵建明唐壁有記

粵會堂 在石門明成化六年建胡榮有記

喜雨堂 在明都督府行署堂西都御史韓雍建後易名後樂

大雅堂 在浮邱山郡人祀趙志臯其中明葉春及有記

甘溪陸公亭 在城東北吳刺史陸元築堤瀦水以便民汲民德之建亭溪上唐節度使盧鈞復加疏鑿以濟舟楫更飾廣廈爲踏青游覽所南漢廣之爲甘泉苑中有泛杯池濯足渠避暑亭

餘莫亭 在朝臺唐刺史李毗建

扇子亭 縣境十國春秋李蟾妃事漢主得寵南海有蘇氏園雅擅幽勝漢主携妃微行至此憩酌綠蕉中大書蕉葉曰扇子仙後人構亭於上因名

彙亨亭 在朝天街宋漕貢進士陳宜家塾八世孫刑部主事
祐建

朝亭 縣西戩船澳宋書泰始四年劉思道攻廣州刺史羊希
遣兵禦之朝亭卽此後爲西侯津亭明時爲迎送之所成化
中都御史韓雍扁曰華節或以此卽朝臺誤

環翠亭 在靈洲蘇軾題

敬亭 在西樵山明霍韜建從孫尙守修

味月亭 縣境明陳獻章味月亭序略成化丙午春五羊何子
有載酒過白沙對月共飲延緣數夕告子曩夢遊仙甚適扁
所居第爲味月亭識夢境也願乞一言以歸予口占一絕云
騎羊仙客去仙城風韻千年落杳冥羅浮道士來何處笑倒
君家味月亭

廣東考古輯要

卷十三

第七

四

劉王郊臺 城西南漢時郊於其上

石屏臺 縣治西宋蔣之奇建有池百餘步池中列石其狀若
屏黃志云卽南漢明月峽玉液池也舊有含珠亭紫霞閣每
端午令宮人競渡其間

見日臺 在西樵大科峯巔有古臺鷄鳴見日明湛若水廓而
新之

瀟灑軒 在光孝寺宋知廣州蔣之奇建之奇題詩云一斛檳
榔互獻酬禪房亦復種浮留憑師稍稍添松竹便可封爲瀟
灑侯

聽雨軒 縣境明詩人王佐所居黃哲有詩

越華館 縣西寰宇記云朝臺西三十里卽圓岡尉佗傍江構
越華館以送陸賈因稱朝臺按寰宇記此文疑有訛闕後人

因此以朝臺爲朝亭誤矣

玉泉精舍 在西樵山明湛若水建

鐵泉精舍 在西樵山鄧順之讀書處明歐大任有詩

安樂廬 縣境宋嘉定中經畧使廖德明卽河泊衙故址創以

待旅候無歸者淳祐中經畧使方大琮通判左師呂以豪民

所侵地重修在繡衣坊景定中經畧趙汝暨移至六祖寺北

劉王花塢 在郡西六里名半塘卽劉氏華林園又城北有芳

華苑芳春園城南有望春園今盡爲民居惟花塢故址僅存

昌華苑 在荔枝灣一名顯德園亦僞劉故址

荔園 縣境唐曹松有南海陪鄭司空遊荔園詩

訶林淨社 在光孝寺西廊明梁有譽黎民表歐大任等結詩

社於此

廣東考古輯要

卷十三

第七

五

浮邱詩社 縣境明萬歷中郭斐致仕歸與陳堂姚光泮張廷

臣黃志尹鄧時雨梁士楚陳履鄧於蕃袁昌祚楊瑞雲黃整

陳大猷王學曾金節郭槃凡十六人闢浮邱社以續南園

楊子宅 番禺縣珠江南岸大洲漢議郎楊孚故宅宅畔植五

鬣松冬雪盈樹人異之目其地曰河南唐許渾詩河畔雪飛

楊子宅卽此

白雲書院 卽白雲寺址明嘉靖間湛若水建

泰泉書院 卽白雲景泰寺址明黃佐建

城南樓 縣境陳江總有秋日登廣州城南樓詩

拱北樓 在布政司南卽唐清海樓也其地本番禺二山之交

南漢劉龔削平之建雙闕其上宋淳祐初經畧司馬伋重建

元季燬明初仍建爲藩府雙門

海山樓 在鎮南門外山川拱揖百越偉觀此爲第一樓下卽市舶亭宋嘉祐中經畧魏炎建元季燬宋陳與義有詩

遠華樓 在大市中舊名粵樓宋給興四年漕使王正言重建易名共樂元大德中元帥羅壁新之扁曰遠華後燬

鎮海樓 在府北城上一名望海明初永嘉侯朱亮祖建樓五層高八丈許上矗雲漢俯極四陲嶺南奇觀以此爲最明黎民表有詩

玉山樓 在粵秀山上明洪武初都指揮花英建以祀先賢高固楊孚董正羅威唐頌疏源陳臨王範黃恭九人

樾森樓 在沙灣鄉明光祿卿王漸達講學處

海印閣 城東南沙州海印潛石也半出波際上有京觀樓雉堞四周與海珠浮邱相望隱隱若三台象

廣東考古輯要

卷十三

第七

六

御書閣 在聚龍岡舊志有康與之順菴南海百詠云高宗御書扁榜有龍蛇飛舞之勢今刻石尙存或謂學士李祐卿墓在此宋度宗常賜以恩袍草色動仙籍桂花香之句因名未知孰是

蓮鬢閣晴眉閣 俱在濠賢街明黎遂球讀書處

瑞澤堂 在官園巷有古檜雷轟爲三相傳東坡南來寓此時有甘露降其上元未燬

頤堂 在郡署宋余靖有寄題廣州田諫議頤堂詩

師吳堂 縣境宋黃公度詩方君帥南越千載少倫擬燕居榜師吳一謙具四美

齊雲堂 在白雲山宋時創久廢嘉靖中重建宋索求有詩

安樂堂 縣境元至元間建爲廣州軍士治病之所歲遣百戶

一員常省視之後燬

粵洲草堂 在粵秀山下明隱士黃畿讀書處

天山草堂 在河南古林莊明尚書何維柏建爲懸車之所

嘉顯堂 在仙湖里明大學士何吾騶故宅

浴日亭 在扶胥鎮鷄鳴見日若凌倒景明初廖永忠易名拱

日今仍名浴日宋蘇軾揚萬里有詩

番山亭 在府學宋乾道中經畧使周自強創榜曰九思明景

泰中重建

雙槐亭 在番山側西明知縣黃瑜所居

看竹亭 在郡城詩書街明左通政參議張詡所居

朝臺 縣東北尉佗初遇陸賈處水經浪水注云佗因岡作臺

北面朝漢圓基千步直峭百丈頂上三畝複道迴環委迤曲

廣東考古輯要

卷十三

第七

七

折翔望升拜名曰朝臺唐許渾陸龜蒙有詩

越王臺 縣北二里臺岡一名越井岡又名天井唐廣州司馬

劉恂謂岡頭有古臺基卽佗所築也連帥李玘於遺址構亭

僕射鄭愚又加崇飾宋元間屢毀屢建經畧陳宗禮扁曰極

高明後經畧劉應龍仍榜曰越王臺元宣慰使塔刺海顏曰

拱極明永樂初都指揮花英建觀音閣其上今改爲名德祠

唐宋之間許渾宋唐庚文天祥元許有壬有詩

案尉佗有臺四越王朝漢

兩臺外又有新興之白鹿臺長樂之長樂臺粵中臺樹之古無踰此者

鶴舒臺 在蒲澗安期生飛昇處

臨清軒 縣境明詩人趙介所居明孫蕢有臨清軒題壁詩

廣思館 在府城內北一里後爲開善寺今廢唐節度使孔戣

建以居南謫子孫流落不能自存者

西園 在郡署宋余靖有寄題田待制廣州西園詩

南園 在府城南中有抗風軒明初孫蕢黃哲王佐李德趙介輩結詩社於此稱南園五先生後歐楨伯梁公實黎惟敬李少偕吳蘭皋復結社於此園稱後五先生又小壯門有北園爲明黃佐書院今廢

小雲林 城內明嘉靖中李待問所築有湛碧亭月波橋招鶴亭馭風亭影山樓青霞精舍釣月臺諸構

雲淙別墅 在白雲山明崇正中陳子壯所闢與名流區懷瑞曾道唯高賚明黃聖年黎邦城謝長文蘇興裔梁佑達陳子升區懷年黎遂球共十二人吟咏其中復脩南園舊社

東皋 東門外明御史陳子履建爲一時名園今廢

羊額書院 順德縣羊額堡宋淳熙間縣尉盧滄建

廣東考古輯要

卷十三

第七

八

久遠堂 縣陳村宋理宗御書賜侍郎李昉英明洪武間其後人建祠懸之

沙洲草堂 在赤花村明區世元隱居

雪聲堂 在龍山鄉明陳邦彥故居

敘英亭 在都粘堡宋梁節建其孫民縉重修學士錢溥有記

謫仙亭 在鹿門村爲明翰林鄒智建

蓼莪亭 在平步堡明鄉儒唐豫痛親遭湛萊民之禍作亭以

寓孝思主事劉履爲之記

舒嘯亭 縣治內明知縣吳廷舉建嘉靖間知縣吳寵改建鎮宇樓

甘露亭 縣南關外明知縣胡友信建時有甘露之瑞故也

勸農亭 阜南門外舊爲花園廟明知縣吳廷舉改爲亭書農

事要語於壁

林軒 在文溪上明道人黎平叔栖息處

蘧園 在龍津明歐大任建一時士夫唱和甚盛

梅花莊 在龍山梅花環其側明道人張燦讀書處

碧梧園 在篁村邑貢生李殿苞築袤廣十餘畝古木陰森蜿

蜒天巧其子瑄朗建亭其上歛曰一簣山房文人多題詠

紫霄詩社 縣境明知縣林應驄以紫霄園改建又作二亭曰

借樂曰雪鴻今圯

鄧公壙 縣南宋末廬陵鄧光荐避地入廣居此

宋行朝 東莞縣西南梅蔚山宋景炎丁丑帝舟次於此營二

殿故址猶存

漢孝子黃舒故居 縣東舒以孝聞人目其居曰參里以其行

廣東考古輯要

卷十三

第七

九

似曾子也

經史閣 在舊儒學宋建李昂英有記

望至堂 在烏沙宋季潮州教授李佳痛其母忠烈蹈海死因

作此堂以望母

六君子堂 在儒學寶書閣後祀宋五子及南軒張氏於中後

廢

廉泉亭 在黃嶺下宋紹興間縣尹張勳建元攝令郭應木重

建侯圭爲記

青紫峯亭 在黃旗嶺宋陳應宸所居應宸有詩

仙履亭 在紫霞壇上羽士崔羽羽化之所

高遠亭 在南岡上舊名拱宸後改共樂宋紹興中知縣張勳

重建易此名今圯

致喜亭 城西宋劉宗暨弟玉隱居此

鳳凰臺 在道家山相傳昔有鳳凰集於此因名鳳凰岡建臺其上明祁順有詩

覽秀臺 在道家山尉廨後元大德中縣尉劉進嘗剖肝療母病於此至大中縣尉陳仕俊於臺上建亭仍榜曰覽秀

竹隱精舍 縣南宋開慶中御史周梅叟爲邑儒李用建理宗御書竹隱精舍四字賜之從經筵官劉震孫請也遺址尙存余襄公候潮處 城南武山下潮汐稍長可辨宋余靖常候潮於此作海潮序

宋行宮 新安縣有二一在梅蔚山一在宮富場

望烟臺 在鳳凰巖下相傳文丞相姪應麟之子孫家於嶺下爲何左丞部將值歲荒建臺登眺凡家無爨烟者賑之

廣東考古輯要

卷十三

第七

十

大觀臺 任天妃廟後層巒聳峙俯瞰滄溟爲一邑巨觀今圯翠峯草堂 從化縣韶峒明隱士黎元昌讀書處

濟川亭 在古樓潭明正德中知縣邢維高建

武臺 縣境明歐大任詩南武千年國將軍百尺臺何人通越路西引夜郎來

貢士庫 增城縣宋建李昂英有記

菊坡書院 縣南鳳凰山麓卽崔與之故居

蓮花書院 縣西南又有獨岡書院皆明湛若水建

崔清獻故宅 縣西街公榜燕居以菊坡題曰韓魏公云保初節易保晚節難余嘉定辛巳建制闔於益昌愛公寒花晚節之句築菊坡以自適今告老歸里復以名其居後文溪李公侍講經筵理宗思公風節嘉歎久之書菊坡二字賜其家

席光亭 鳳凰山西明湛若水建

修禊亭 在飛泉洞左明黃拱寅有記

釣臺 在沙貝村明湛若水垂釣處

樵林 在沙貝明湛江宅

馬南寶宅 香山縣沙涌宋端宗駐蹕於此馬南寶獻粟饗軍

七日其故址卽今馬氏太宗祠

友琴堂 縣前明鄉賢黃瑜故居

觀潮亭 縣西南元至正二年建後燬

新美齋 在四字都宋景定間邑人所建鄉塾也元沈普有記

孝義坊 四字都宋孝子阮與子宅

宋行宮 新會縣厓山祥興初帝昺南遷時建又有行朝草市

祥興二年丞相陸秀夫負帝沈海死之其地遂墟明劉堽過

廣東考古輯要

卷十三

第七

十一

此有詩

慈元殿 在行宮後帝昺建以奉太后楊氏遺趾今爲全節廟

古岡書院 縣西南元至元中知縣沈壽爲羅蒙正建明洪武

中以築城廢

明陶魯故宅 在大新街陳獻章題曰世烈堂久廢

嘉會樓 縣東白沙江濱明宏治中御史熊達欲爲陳獻章建

道德坊獻章力止之因建此樓

碧玉樓 在江門明陳獻章宅獻章有次韻伍南山賀碧玉樓

成詩

睨海亭 縣西宋慶元中番禺尉方信孺攝縣時建元末廢

坡亭 縣北石爆岡宋紹興中蘇軾謫官儋州留此數日居人

慕之築亭於上

楚雲臺 縣東白沙村明楚人李承箕故寓陳獻章建知縣曹參額其堂曰景賢

秣坡釣臺 縣東明黎貞辭辟命所築

江門釣臺 在江門明陳獻章建

尋樂齋 在白沙村明伍光宇所居

廬阜精舍 縣南小廬山上一名小廬山書院明陳獻章建

何子讀居堂 三水縣崑都山麓明尚書何維柏讀書處

湛碧亭 縣境昔楊子中居此明孫蕢記

驛亭 在胥江明汪廣洋有登胥江驛亭詩

玉鏡臺 在胥江明汪廣洋詩海上安期去不回石門花落又

花開幾時相約騎黃鶴爛醉秋風至鏡臺

學士軒 華山寺明學士黃諫判廣州愛山奇勝常憇是因名

廣東考古輯要

卷十三

第七

十二

石屋 在龍池山上相傳唐黃巢所築

仙果園 在大潭山上相傳有仙果遊者竊懷則迷歸路

峽山書堂 清遠縣峽山寺東書堂坑相傳黃帝二庶子隱此

讀書明張翊詩僧寺依山麓書堂面水隈鼎湖龍馭遠禺竹

鳳聲哀禹貢不及載秦關尚未開如何二帝子萬里卻能來

全清閣 在峽山宋李昂英有詩

葛仙亭半雲亭 俱在峽山明歐大任有詩又有半山飛泉亭

楞伽臺 在清遠峽唐李羣玉有將遊羅浮登楞伽臺留別羽

士詩

韋氏園 縣境唐韋宙帥南海時每至其處則慕樂耽隱自名

爲韋氏園林

韶州府

舊濂溪書院 曲江縣宋知州周舜元建朱熹爲記

翠峯書院 縣西北一名潁江書院明嘉靖中建祀知府苻錫

晉王導宅 在水西今爲光運寺見輿地紀勝
按晉書王導本

興郡公然其實未嘗至始
興也此云王導宅疑誤

陳侯安都宅 縣西桂山之下舊刻范雲詠桂詩云南中有八

樹繁華無四時不識風霜苦安知霖落期今詩不存

張九齡宅基址 縣東平圃驛畔宋楊大異提點廣東刑獄時

嘗訪張九齡故宅建曲江書院祀之陶穀清異錄云張曲江

里第之側有枯樹嘗因狂風發其一根解作器具花紋甚奇

人以公之手筆冠世目之曰文章樹

風度樓 在府門通衢宋天禧中郡守許申建唐明皇每用人

必曰風度如九齡否郡人取以名樓

廣東考古輯要

卷十三

第七

十三

朝陽樓 在武水西城堞上唐皇甫湜有記

韶陽樓 南門外臨江創始無考元末廢唐許渾有夜宴韶陽

樓詩

望京樓 在武水西宋寶元二年建余靖有記

文奎樓 在通衢中刊科第題名明嘉靖中知府鄭騮建

張九齡書堂 城南在上白石內石室臨近大江見寰宇記

政寶堂 在府治西花園中有宋蘇軾黃庭堅石刻宋末兵毀

思古堂 在舊府治南宋郡守狄咸建蘇軾書扁左右有燕譽

魚樂二亭

清淑堂 舊九成臺下宋王安石侍其父益守韶日讀書於此

金鑑堂 府治西花園中宋末建取張九齡所上金鑑錄以名

中流砥柱堂 縣境明崇正間知縣潘復敏重建有記

拱極亭 在芙蓉山漢康容鍊丹之所泉出山頂石罅極清冽
明知府苻錫遊此以韶山皆趨南獨此北向構亭題曰拱極
韶亭 在韶石上宋潘伯恭建余靖有記

湧泉亭 縣境宋慶歷七年建余靖有記

望韶亭 縣東宋范端臣有記

整冠亭 在筆峯山上宋清熙郡守梁安世建取韓退之上賓
虞舜整冠裾之句以名安世有記

盡善亭 城東宋蘇軾有登盡善亭望韶石詩

相江亭 在東門外一里宋時餞別處

燕譽亭 在城良隅下瞰相江陳文惠公書扁後廢因并撫燕
譽亭字於蔣穎叔碑陰

鳳來亭 在筆峯上明知府周敘改筆峰曰鳳來古有亭久廢

廣東考古輯要

卷十三

第七

十四

更上亭 在芙蓉山明知縣潘復敏建學道魏浣初題額

逍遙臺 城南武水東隨刺史薛道衡建唐張九齡有序及詩

舊九成臺 在府治北城上古名聞韶宋郡守狄咸建建中靖
國元年蘇軾與蘇伯固北歸狄守延飲臺上伯固謂舜南巡
奏樂於此臺宜名九成軾卽席爲銘自書刻石臺上後以元
祐黨事碑毀臺廢

九成臺 在西城上卽武溪亭址舊九成臺發遂以此亭爲臺

明洪熙成化間屢有修葺

蛻仙臺 在碧樂峒石壁險絕處云有蛻骨宋崇甯間廣帥王
渙之躋攀觀焉

湏水館 在郡城南宋景祐五年太守狄咸建余靖有記

甘泉精舍 在濂溪書院右明嘉靖中巡按洪垣知府苻錫爲

湛若水建

張丞相園 在南山下唐張九齡所闢九齡有自作郡舍南園詩

余靖西園 在縣內余靖有酬祖無擇見訪西園詩

龜峯書院 **樂昌**縣南明嘉靖中知府苻錫建前有洗心亭

望瀧樓 在瀧口廟前明白瑞素建

花萼里 在城東宋鄧紹續純兄弟故居

仙人石室 縣西室外籐蔓聯絡登之者攀緣而入有石牀石

印此卽泐溪福地仙經七十二福地之一宋余靖有記

濂溪書院 **仁化**縣治南明嘉靖初知縣于祥建久廢

望江樓 縣南門外明萬曆中知縣司馬暉建今圯

仰止書院 **乳源**縣東舊爲崇甯觀明嘉靖中改爲書院祀

廣東考古輯要

卷十三

第七

十五

唐韓愈宋朱子

講書堂 縣東宋進士胡賓王讀書於此有濯纓亭几案皆石琢遺蹟尙存

擬沂亭 在溫泉 明通判苻錫建後遷於溫泉東南峰上

翁山書院 **翁源**縣城東明嘉靖間建崇正時知縣朱景運闢

夢花社於此今圯

唐進士巢迪宅 在水源山下基址現存

梅鼎臣宅 在縣西北江鎮今猶曰梅村

邵謁書堂 縣東江水中江水有嶼高九十丈周五里謁建堂

於上爲讀書之所今有石尙存

六里亭 在六里墟明知縣朱景運顏曰省風

涵暉谷書院 **英德**縣南山下宋景德初郡守王仲達奉詔建

宋李南仲故居 縣境人呼其讀書處曰李秀巖

煙雨樓 縣治東千巖萬壑羅列遠近宋時建米芾有題

坡翁堂 縣治西宋蘇軾謫惠州憇此故名

讀易亭 縣南山石汝勵解易於此故名明知縣張愼重建

望仙亭 縣境宋譚粹有詩

眾樂亭 縣南山臨澄江宋郡守方信 建連希覺爲記

三灣亭 縣北輿地紀勝岑水曲江合流至此而泝水有三灣

環山而瀦澄澈可鑑宋元祐間廣帥蔣之奇建亭於此

薰風亭 縣鳴絃峯下宋李修有記

所菱亭 縣南峽山舖左明知府苻錫開鑿峽路立亭刻石以

志之

觀泉亭超然亭 俱在縣潮水嶺明嘉靖中建湛若水題額

廣東考古輯要

卷十三

第七

十六

惠州府

張畱書院 歸善縣西南石埭山宋丞相畱正秘書郎張宋卿

少時共學於此

天泉書院 在西湖北明建葉夢熊有記

東坡故居 在白鶴峯上宋蘇軾謫惠卜居於此有德有鄰堂

思無邪齋 江亭悠然亭及硃池墨沼又有東坡井紹興中

虔冠謝達陷惠州焚蕩無遺獨留東坡故居致奠而去

唐子西故居 城南宋博士唐庚謫惠寓焉廬曰寄傲庵曰易

淳祐申州守劉克莊復祠之後廢

畱正故居 府城北一名丞相宅宋相畱正於此建第故名

陳侍讀故居 府城內舍人菴宋紹興間陳鵬飛謫惠居此面

湖築室亭曰窺圃湖白謫宦淳祐中州守趙汝馭祠之後廢

王御史宅 在東平坊御史王度死事後沒入官爲侯邑博宅
翟夫子宅 縣白鶴峯宋翟逢亨藏修處蘇軾白鶴新居欲成
夜過西鄰翟秀才詩林行婆家初閉戶翟夫子舍尙留關連
娟缺月黃昏後縹緲新居紫翠間

合江樓 城外東西二江合流處宋蘇軾嘗寓此有詩

湖平樓 在府治萬石坊明正統中建初名鐘樓萬歷中守道
沈麟祥重建易今名

平湖閣 在豐湖泗州寺前卽西新橋之飛閣宋紹興中建諺
云鰐湖平出公卿閣名本此

文惠堂 縣境宋陳堯佐爲州守故名有堯佐手植荔郡人呼
爲將軍樹淳祐初趙汝馭改爲延相堂堂後有春圃圃東壘
石爲島日蓬萊上有亭曰飄雲堂原在城東北成化間徙元

廣東考古輯要

卷十三

第七

十七

妙觀左宋蘇軾有詩

陳使君堂 在拱北橋宋陳偁知惠州其子瓘隨侍有德政民
生祠之

逍遙堂 在豐湖芳華洲之上趙汝馭書扁

何左丞祠堂 城西銀岡之麓後其子孫得罪徙家其地爲馬
指揮宅明宋濂有左丞祠堂記

野吏亭 在府治東北宋咸平初州守陳堯佐建皇祐中黃守
仲通葺之且刻詩於石紹興中方守子容復葺之蘇軾記其
壁

松風亭 在彌陀寺後山之巔植松數十株清風徐來因名宋
蘇軾有十一月二十六日松風亭下梅花盛開詩

江郊亭 縣境蘇軾有詩王註云白鶴故居圖亭在先生故居

之東臨江負山

復泉亭寒淥亭觴咏亭 俱在石埭山飛簾洞宋乾道中州守王寧建洛人康與之記

森巖亭 在舊治之東宋進士梅蟠有記又有南薰挹秀近東坡故居三亭皆遊息之所

六如亭 在西湖上栖禪寺東南東坡侍妾朝雲葬此取金剛經偈語志其墓後人因構亭曰六如宋劉克莊詩吳兒解記眞娘墓杭俗猶憐蘇小墳誰與惠州耆舊說可無坏土覆朝雲

孤嶼亭 縣西宋太守陳偁建

印山亭 在郡城內百官池上宋州守謝璩建明正德間郡守方良節修嘉靖間郡守李玘重建玘有詩

廣東考古輯要

卷十三

第七

十八

第一江山亭 在府治後圃明天順中知府李叔玉建旁有方舟方壺二小亭參政吳高記

湖山勝覽亭 在永福寺明正德中郡守陳祥闢淫祠改建知縣祝允明記

超然臺 在西湖下明建

案明楊起元有超然亭記亭在西湖萬歷間建疑卽此臺

平遠臺 在豐湖西極高峻湖山一覽無遺爲游玩之勝今臺廢有碑跌存焉

敦仁精舍 在東新橋南明楊起元築

李氏小園 在郡城南宋瓊州安撫使李思純別墅也臨江有閣曰潛珍東坡有賦

舍人巷 府治南五代時張超遠爲起居舍人因名

萬石坊 郡治南以宋黎獻臣李思純李思義陳周翰陳開五

太守所居因名

張畱書院 [博羅]縣羅浮山水濂洞後張宋卿留正爲布衣時講學於此後有黃生居之宋林千之有贈水簾洞黃秀才詩豫章書院 縣西北宋羅從彥讀書處

軒轅生故居 在羅浮山白雲洞唐軒轅集居此皮日休陸龜蒙李洞皆有詩

平雲閣 縣境唐武后遣使入羅浮採藥至此迷路禱於神是夕羣象踏山開路學士張鷟立碑記之今碑已不存

雲閣 縣北宋紹興間祕書郎張宋卿建今圯

鄭公書堂 在羅浮山幽居洞後宋寺丞鄭玠讀書處與逍遙子爲侶始名白雲庵咸淳中玠子惠州守康佐建

遺履軒 在羅浮山冲虛觀相傳南海太守鮑靚嘗夜訪葛洪

廣東考古輯要

卷十三

第七

十九

與語達旦乃去人訝其往來之頻而不見車馬密伺之但見雙燕飛至綱之則雙履也因構是軒

彩雲軒 在冲虛觀左相傳唐天寶間麻姑降於此因立軒甘泉精舍 在朱明洞之西明湛若水建

羅浮別墅 縣境唐詩紀事高駢好神仙嘗爲節度赴安南有詩云不將眞性染埃塵爲有烟霞伴此身帶月長江好歸去博羅山下碧桃春盖有別墅在此山今未詳何處

瑤石山房 在瑤石臺之南明黎民表讀書處

茶園 羅浮山志云王體靚別業也在觀原人從之近三百家所居成村

梅花村 羅浮飛雲峯路側有趙師雄醉憩事

文山書院 [海豐]縣東南明提學魏校建又有桂林清明西峯

三書院亦魏校建今俱圮

大顛故居 在法留山巔石壁如屋唐元和僧大顛居之

登瀛坊 縣東爲宋范良臣故居列石十八開禧三年刻登瀛字於石

宋陳讜故寓 縣東有石高二丈五尺方二尺祥符中讜宦遊寓此大書桂林二字遂呼桂林石

宋帝亭 在甲子所待渡山下宋承奉郎范良臣建

方飯亭 在五坡祠後有甘公亮記明知縣張濟時建

倡南書院 河源縣明縣令鄭敬道建祀宋古成之

象宿樓 縣北宋端拱初古成之登進士同科二十八人時稱二十八宿鄉人榮之爲建此樓

九松書屋 在瀧下明邑人李燾致仕歸讀書處

廣東考古輯要

卷十三

第七

二十

螯峯書院 龍川縣螯山之陽宋循州守梁克俊建以祀韋學士王尚書元季圮

東山書院 在東山寺宋循州人爲丞相吳潛建今彭侯書院卽其址

望高書院 在五馬峰下宋尚書王汝礪建久廢

尉佗故宅 縣治西唐時立祠今爲光孝寺

宋王尚書故宅 在螯湖明黃縉於其地得汝礪所佩璫及古硯刻有礪字

鳳凰吟舍 在望高書院左明宏治初邑人築書舍掘地得石携此四字卽以是名

御書閣 縣境宋郡守宋煜建端平二年州守宋翊重建久廢

默化堂 縣治宋周彥質守循建於公署之西偏蘇軾榜曰默

化

蘇陳堂 縣白雲橋西舊名臺隱宋蘇轍陳次升謫官時所居
隆興初循守彭億更名曰蘇陳像二公而祠之後廢宋王邁
有記并歌

介壽亭 在雷鄉驛左宋郡守韓京因母病禱於天后而愈乃
創於天后宮前今圯

飛躍亭 縣北宋紹興間循守韓京建勸農於此久圯

止戈亭 縣西門外宋守彭彥班嘗勸農於此民爲建亭取盜
息民安之義今圯

僊臺 縣境郡志云鄧昌齡因親病入山採藥至啟蒙介石僊
臺之境遇老翁枕書石上竊視之皆古篆不能識再拜懇之
遂授以天文易數指石上草曰此名五加可却病延年携歸

廣東考古輯要

卷十三

第七

二十一

遂以愈母昌齡後苦志向學能觀星緯窮易占明洪武中以
明經爲鎮江推官母子俱享期頤焉

翰林石室 在阪塘大石巖唐韋昌明少讀書於此唐循守楊
在堯鑄石榜之

越王弩營 縣境有營澗嘗有銅弩牙流出皆銀黃雕鏤取之
者祀而後得

進賢鄉 在縣九十里宋嘉祐間詔舉賢良明經之士縣人陳
大綱與選鄉人榮之因名

阜陽臺 **和平**縣北城上明通判洪陽建後圯隆慶中知縣陳
文彬重建榜曰江山勝覽

白玉蟾煉丹處 **長甯**縣東嶽城山上玉蟾往來羅浮時駐此
遺竈猶存

官山書堂

永安縣簾紫嶂西明黃建葉應讀書處

黃公書堂

在黃花境山凹中明鄉賢黃鼎臣築顏曰羅浮別

洞今圯

石笏齋

在中鎮社山谷障下有石高丈許端如笏

晉長吉宮

連平州南長吉里洪聖王故居

曾袞故居

城北高峯插雲爲漢曾袞修煉處石頂遺址猶存

潮州府

元公書院

海陽縣學西宋周子嘗漕廣東其孫梅叟爲郡時

建書院

得全書院

在府城宋紹興間趙鼎謫潮州號得全居士後人

卽其所居爲書院後廢其六世孫繼清仕元爲潮州路推官

時重建歐陽原功記

廣東考古輯要

卷十三

第七

二十二

中離書院

在中離山明鄉賢薛侃講學處

鳳山樓

在金山下有古瀛洞天前繪列仙後傍城疊石汲水

爲流觴左右爲歛涼延光二亭

仰韓閣

縣東元至正中通判喬賢能建

明遠堂

縣城內一名思韓堂宋郡守孫叔謹建

文惠堂

縣治後宋景定中通判程應斗建以祀陳堯佐

原道堂

在韓山書院明建鄒守益有記

韓亭

在韓山昌黎登覽舊地俗呼侍郎亭元延祐中張處恭

改建亦名思韓

觀稼亭

在西湖山老君巖唐貞元間中丞李宿建宋元祐間

知州鮑粹又建乘風待月二亭翼之今皆不可考

獨遊亭

縣東宋陳堯佐建有句云記得遊人舊吟處獨遊亭

在野橋西

南珠亭 在韓山書院前宋守鄭厚建取韓愈別趙德詩婆娑海水外簸弄明珠之句而名

仰斗亭 縣東輿地紀勝云亭在東山之腹北面故名仰斗中刻韓愈像及諸賢墨蹟

鳶飛魚躍亭 在韓山書院池中元郡守王翰建

觀闌亭 在金山上舊名望海明嘉靖間知府邱其仁建郭春震易名

積翠亭 在湖山老君巖上明隱士陳廷策讀易處

拙窩 縣金山舊名遙碧宋廖德明更名朱子書額并刻周子拙賦於巖石間今猶存

蒙齋 在縣西湖山鄭沂讀書處

廣東考古輯要

卷十三

第七

二十三

梅花莊 湖北明郡人唐伯元建旁一石書谷口二字山後一石有蒙泉二字

熙春園 在西湖山北宋紹興間知州謝尋建亭曰漸入佳境庵曰醉客方歸

蔚園 在湖山麓明隱士陳廷策別業址尚存

越王走馬埭 縣北十里南漢劉鋹祖安仁爲潮州長史時築遺址尚存

鄉校 潮陽縣西今公館巷唐韓愈所置

歲寒堂 縣境宋吳子野宅中之堂置登州十二石蘇軾有歲寒堂十二石記

水簾亭 縣東山泉流四垂若張簾於楹且屈曲繞流於亭下可浮觴以飲

高明亭 在栖雲石後宋邑令孫允升建久廢

遠遊庵 縣西北宋逸士吳復古隱此蘇軾有銘

半閒園 縣西明蕭與成故居

彭公故宅 **揭陽**縣官溪口浦口邨宋知軍州事彭延年所居

南溪精舍 在官溪都南溪渡西明鄉賢薛侃諸人講學於此

紫坡臺 在筆架山陽一名紫陌明御史鄭一初讀書處

澹軒 在藍田飛泉嶺宋兵部郎中鄭國翰講學處國翰與朱

晦菴爲同榜進士手書落漢鳴泉四字榜諸亭

宋陳希伋讀書處 在黃岐山石堂宏敞有石刻陳子巖三字

宋太子樓 **饒平**縣東南澳山雲蓋寺海崖壘石爲樓相傳宋

幼帝駐蹕所築旁有行宮指揮司甬道遺址宛然

愛日亭 在學宮明教諭王魯川迎養其母而築今廢

廣東考古輯要

卷十三

第七

二十四

古磚室 在大港東山明萬歷元年邑人於榛莽中見之磚上

有興和二年八月甲寅八字

聞鷄亭 **惠來**縣西南相傳宋帝昺駐師於此諜報元兵驟至

鷄鳴移師去因名

黃岡書屋 在黃岡上明隱士吳嚮讀書處

駐節亭 **大埔**縣左拔村明嘉靖間知縣蔡科修路因建御史

姚虞記

陸秀夫故宅 **澄海**縣南秀夫與陳宜中議不合安置潮州居

此一名陸厝園

濟川亭 在蘇灣宋知軍州事趙師岌建今廢

盧中舍別業 在冠瀧神山下宋太子中舍盧侗致仕時築

明吏部唐伯元第 在仙門鄉鳳山麓旁有別業曰浴桂軒

石城齋 在石城頭明陳思謙以廬墓而築

馬嘶巖石室 普甯縣相傳唐大顛僧所創昌黎嘗至此訪之

肇慶府

星巖書院 高要縣宋守包拯建舊址尚存

蓬山書院 在南蓬山爲區大倫講學建今圯

坡雲樓 在府廨後又名飛雲宋建明洪武元年修宋黃公度

有詩

斗輝樓 在衛署後明萬歷中總督戴燿副使陳濂建給事梁

有年記

鑒止堂 在府治西舊爲枕書堂宋守包拯建

包公堂 府治堂後今改名李孝肅宋黃公度有詩

靜治堂 在府治東宋包拯建後改名中和舊志拯所名堂尚

廣東考古輯要

卷十三

第七

二十五

有相魁敬簡雙瑞節秋霜宅今俱爲廨舍

鵠奔亭 縣西元和志漢何敞辨死女子冤卽此處也寰宇記

引干寶搜神記云漢九江何敞爲交阯刺史行部至高要暮

宿此亭夜有女子至牀下跪曰妾廣信縣修里人早失父母

無兄弟嫁爲同縣施氏妻夫死有雜繒婢致富一人妾不能

自振欲之旁縣賣繒貨牛羊一乘載繒妾乘車致富 轡至

此亭外時日暮因止此致富暴肚痛妾之亭長舍乞漿火而

亭長龔壽操刀至車旁刺脇下立死又刺致富亦死壽掘樓

下舍埋妾及婢取財物而去妾冤死無告故來自歸於明使

君敞日欲發出汝何以爲驗曰妾上下著白衣青絲履皆未

朽也妾姓蘇名娥願以骸骨歸死夫敞乃令吏捕壽考問具

伏初拙時有雙鵠奔其亭故曰鵠奔亭

按今本搜神記無此文

宋郭祥

平有詩按謝承後漢書作鵠巢亭又文選江淹詣建平王上書云鴻亭之鬼無恨於灰骨則鵠又作鴻皆以字形相似而異耳

桄榔亭 縣西南自沙岡唐李翱過此宋致和間郡守鄭敦義修元末燬

硯池亭 郡治西北洗硯池宋包拯鑿明成化初知府黃容立亭池中榜曰硯池清趣

放生池亭 府治西南隅宋咸淳二年郡守趙崇城建後廢嘉泰間商侯復之

白鹿臺 府城南五里趙佗田獵獲白鹿於此因名

雲秀臺 縣西北宋大中祥符七年有五色雲見臺峯之上郡守范雍建

菊圃 在郡廳西宋守包拯建前有軒累土爲山砥石爲基榜

廣東考古輯要

卷十三

第七

二十六

曰爛柯洞天今廢爲廨舍

舊濂溪書院 **四會**縣宋景定五年縣令宋有萬以提刑周敦頤行部所經故建書院咸淳八年縣令趙時昉新之宋末廢遺址尚存

相堂 在舊簿尉廳之東宋紹興中丞相梁克家館於此故名貞里 縣南寰宇記云昔里女許嫁未成婚其夫因虎而亡乃誓不嫁歸夫家奉養舅姑人美其行故名其里

六祖故居 **新興**縣國恩禪寺卽盧能故居也又縣東南有夏院乃六祖禁足之地

澄映堂 在僉判廳後宋廖演建演有詩

仰忠亭 縣南宋紹興中胡銓謫官新州居此淳熙中州守王揆卽其舊址作亭名曰仰忠宋末廢

錦阜亭 縣西南錦阜岡上岡舊名蠟岡紹興間郡守王義卿築亭其上取其山自錦山來故名

相遊亭 縣東秀羅寺宋蔡確嘗游此因名

宣詔亭 縣治東南宋西甯中郡守梁立則建凡有詔旨於此宣讀後改頒春之所復廢

冉香亭 縣東有池植荷宋主簿譚宗作亭其上今廢

瑞蓮臺 縣北舊名雪花宋乾道五年濠生蓮故名

覺軒 在龍山寺方丈後左丞王履道爲銘曰本自不迷何者爲覺惟无舌人滿口道著龍山名覺無病求藥從而銘之分一半錯見輿地紀勝

十仙園 縣治西南相傳唐宋時官新州者說簡務稀因置此園內有薰風風堂延景亭明水軒藏仙亭宋末俱廢

廣東考古輯要

卷十三

第七

二十七

熙熙亭 縣南儒學之西宋紹興間張夔知新州作超然臺其中後廢知州張養正闢爲射圃

梅花塢 陽春縣南舊學前明正統三年因遷學遂廢今爲民居

種學堂 高明縣文儲山下宋寶慶間鄉人麥夢協讀書之所白鹿臺 縣南五里相傳趙佗獲白鹿於此

敷文書院 恩平縣卽舊府館明僉事李材平賊有功民德之改建以祀久圯

得一亭 廣甯縣圓嶺上九十九坑古讖云九十九坑還少一若還一得是名邦明知縣羅彥霄建亭其上

濂溪書院 德慶州宋周敦頤經此縣令許鑒因建今址尙存冰玉堂 州治後明永樂間州判徐行築有記

豁然亭 在香山頂宋慶元中郡守趙師璉建宋李綱有詩
松關亭 在香山下宋時建其旁多松前有覽秀亭

登雲亭 州東登雲橋上宋進士陳序建每賓興飲餞及迎送
使客皆於此明嘉靖中改名登瀛

葛仙園 州東社山絕頂有花園相傳葛洪煉丹之所今生躑
躑花

舊三舍學 **封川**縣東山宋大觀元年編三舍升貢次第宣和
三年詔罷

五友堂 縣西宋州守沈清臣建取江山風雨與太守爲五
二星堂 縣西宋州守曹覲建舊名天遠堂後以兩部使者交
承於此因易今名

孔訓堂 縣西宋州守孔延之建以教其子文仲武仲平仲

廣東考古輯要

卷十三

第七

二十八

宅生堂 縣治北宋知州李元建郭祥正詩云水光送日浮珍
席山勢和雲插畫梁安得身如張相國爲君重賦宅生章

浣花亭 縣城西宋州守沈清臣建清臣有詩又有桂巖知津
二亭

望雲臺 在登高山山宋州守曹覲築以寫思親之意
荔枝莊 在靈洲宋知州田開詩海上荔枝莊卽其地

讀書堂片玉亭 **開建**縣金縷村唐狀元莫宣卿讀書之所
坡亭 **鶴山**縣東北石螺岡下宋紹聖中蘇軾謫官過此值江
漲留數日居人慕之築亭於上遺址尙存

高州府

茂山書院 **茂名**縣西晉高涼太守楊芳著書處

高力士宅 縣西二百四十步力士茂名縣人見寰宇記

潘仙亭 在郡城外今洗廟東晉潘茂名煉丹於此明屢修久
圯

海國遐觀亭 在太平橋南宮嶺巔明知府鄭綱綱建下瞰鑑
江樓台隱見嘉靖間知府歐陽烈復於亭前構小醉亭

五里亭 縣境明隆慶間知府吳國倫平倭寇立碑於此

驃騎館 縣境寰宇記云按郡國志故右衛大將軍高力士舊
鄉郡有驃騎館相傳皆因力士之名

馮家村 在電白縣界寰宇記云馮盎卽此界人也

崔浩讀書堂 電白縣西湖山上絕頂浩明進士

李衛公勒碑處 在南洋外放鷄山相傳唐相李德裕南遷過
此勒碑紀海道險要

翔鳳臺 信宜縣西北登高山頂編修程文德建

廣東考古輯要

卷十三

第七

二十九

清風樓 化州北城上唐日清風堂元改爲觀風樓明洪武初
同知張謙重建

驪珠臺 城東南龍母山下明知州沈水建以鎮羅江水口

清白亭 在州署宋州牧趙與珏建明知州沈水易名興雲

歸鴻亭 龍母山巔宋淳熙辛丑寇平後建取爲民安集之義

翔龍書院 吳川縣碣州渡頭宋景炎間陸秀夫建

極浦亭 縣南河畔宋邑人李陵雲隱處宋陳宜中有過極浦
亭詩

廉州府

還珠亭 合浦縣漢孟嘗守合浦去珠復還後人建亭表之

海角亭 舊在府治西南半里明成化中僉事林錦移建城西
嘉靖間僉事翁溥移於府治西南隆慶中遷於廉江西元范

棊有記

青樂軒 縣境宋蘇軾元符三年自儋至廉嘗寓此有題秦少游書云庚辰八月二十四日書於合浦青樂軒

石室 靈山縣西唐甯悌原讀書之所洞如深室有石壁石門門外有石橋兩石人夾侍

雷州府

英靈陳司馬宅

海康縣宋寇準留題英靈陳司馬宅詩公餘

策馬到英靈幸有官僚伴使星人物熙熙風景盛好將佳會入丹青

寇萊公故寓 縣南有瑞星池卽寇萊公故居宋天聖間有星隕於此故名

非樓 在府治內輿地紀勝云卽楚閣也太守張綱易名

廣東考古輯要

卷十三

第七

三十

東樓 在東城門樓以懸禁鐘宋因南漢故址重建自明指揮張秉燮改建鐘樓於衛東此樓僅存其迹宋蘇軾兄弟有唱

和詩

蘇公樓 縣西湖上宋蘇轍謫雷州時寓此其兄軾同時謫儋耳亦處此月餘後改爲祠咸淳八年郡守陳大震遷於湖西與寇祠相對旁有遺直軒明郡守王秉良又卽舊址建樓刻二蘇詩於上今并廢宋楊炎正有記

南樓 郡城南門上宋郡守虞應龍建後改爲譙樓文天祥有記

三賢堂 在平湖書院內宋知軍事陳大震建祀寇準并二蘇

夢歸堂 縣境宋陸升之寓居升之有記

十賢堂 在西湖傍宋咸淳間建以寇準蘇軾蘇轍秦觀李綱

王巖叟任伯雨李光趙鼎胡銓十賢爲名文天祥有記後專祀寇公堂廢明宏治中推官李文獻重建堂於寇祠左祀蘇軾以下九賢正德間副使章拯郡守王秉良以柳仲郢足十賢之數

四德堂 府治東宋咸淳間建取郡守有名蹟者張紘何庾戴之邵徐應龍四人祀於此

帥正堂 在衛治後元王士熙有記

思亭 在府治內宋郡守張紘建其曾孫栻有記

東亭 縣境宋蘇轍故寓轍有詩

曹氏園亭 縣境宋寇準有題曹氏園亭詩

橫舟亭 在府治西宋郡守陳大震建取寇準孤舟盡日橫之句而名

廣東考古輯要

卷十三

第七

三十一

望雲亭 縣城外南亭坊宋郡守何庾淪西湖水灌田建亭通

濟橋西庾去郡人修之元末廢

信芳亭 在西湖中明嘉靖中同知孟雷建參政張岳記

紀功碑亭 郡治北參將署右明萬厯間副總兵楊應春征交

趾克捷立石紀功因構亭焉

西館 在縣西宋寇準所居有萊公井元祐間匾曰萊泉寇準有西館詠懷詩

蓬萊館 府治東輿地紀勝云太守戴之邵嘗於蓬萊坊因英祿山爲館一名光華館

貢土莊 縣境宋郡守薛直夫建郡人樂助者買田百餘石爲此莊凡舉子入試盡所積以贖行元延祐後雷士合試於湖廣省亦是莊資給宋余炳有記

文明書院

遂溪縣西南東坡南遷由僭徙廉經此謂鄉士陳

夢英曰此地當有文明之祥因建後圮元凌光謙有記

萊公并亭 在縣西南英靈里宋寇準經此飲而甘之因名郡
守薛直夫立亭其上

祭海亭 縣西南英靈村港口明時每歲三月六日郡守祭東
海神於此

貞女臺

徐聞縣西北相傳昔有女子父死獨居此因名見輿

地紀勝

瓊州府

東坡書院

瓊山縣東坡謫瓊州時嘗寓此有雙泉遺蹟後北

歸郡人思之建書院肖像以祀趙文敏書額元王仕熙有詩

延桂樓 縣境明瓊山貢士岑英所居大學士蔣冕記

廣東考古輯要

卷十三

第七

三十二

六瑞堂 在城南放生池上宋時常開雙蓮者三郡守王光祖

建堂因名

世德堂 在城西宋戶部侍郎沈翥孫悌建

錦衣堂 在東坡書院中邑人以蘇轍續蘇軾時有錦衣他日

千人看之句築此刻進士題名

夢宸堂 在兵備道後堂又道署前有期范堂俱明涂裴建張

元正記

可繼堂 在城西北隅明邱文莊公家正寢邱濬有記

洄酌亭 縣東北雙泉上蘇軾有詩後圯明推官徐邦佐復建

知樂亭 在城南放生池上宋郡守韓璧建朱晦菴有記

廣蔭亭 城東一里宋隱士唐文嚴建初名松軒翰林學士陳

士徽易名元萬戶解珣遷建於通衢

麗澤亭 在郡學門外江心宋建飛橋徑度環植芙蓉最爲勝概後廢

瑞蓮亭 在府城南有池植蓮元至正間開雙萼文宗時遊亭上榜曰瑞蓮

表賢亭 在大城西明成化間副使涂裴建以表薛遠邢宥邱濬林傑四賢明胡榮有記

樂耕亭 在墨客村明海瑞有記

畱耕亭 在城東明景泰間隱士唐寅建邱濬有記

瓊臺 在府治西瓊自唐以來置都督府宋置瓊管安撫使瓊臺盖當時所居

東坡臺 在開元寺東宋蘇軾嘗寓其間

考古臺 縣境明洪武中教諭趙搗謙讀書處

廣東考古輯要

卷十三

第七

三十三

永日軒 縣境唐李德裕有消此永日所以解憂之句後人取以名軒誌志去思焉

霜筠軒 在城南明洪武末儒者王惠建趙搗謙解縉皆有記竹軒 在城西明成化間處士唐瑜所居瑜有自題竹軒詩

桐墩書舍 在郡城東郡人陳徽得此墩樹桐數十本築室其麓藏書甚多名之曰桐墩書舍明邱濬有記

下田村縣西北一里明邱濬故居

學士莊 城西二里明邱濬爲學士時築濬有記胡榮有學士莊讌集詩

東臯 在蘇尋都東明處士黃鈺隱所鈺與邢宥邱濬王佐諸人遊知者謂有巢谷之風李東楊有詩

趙與珞營 在白沙口宋趙與珞率兵拒元死節於此

通潮閣 澄邁縣西一名通明蘇軾嘗憩此李光書扁軾有詩

解溫軒 定安縣治明永樂初知縣吳定實建明楊升有記王伯貞有序

湄邱草亭 文昌縣東北明成化間邢宥建又有記

茉莉軒 臨高縣治內宋胡銓詩有眼明漸見天涯驛腳力行窮地盡州之句

買愁村 在縣南宋胡銓詩北往常思聞喜縣南來怕入買愁村崎嶇萬里天涯路野草荒烟正斷魂

東坡故居 儋州城南東坡至儋耳軍使張中請館於行衙又別飾官舍爲安居計朝廷命湖南提舉常平董必者察訪廣

西遣使臣過海逐出之遂買地築室爲屋三間見蘇詩施註動鑑閣 州東南宋知軍周中建取韓詩輕煖參差魚動鑑句

廣東考古輯要

卷十三

第七

三十四

以名久廢

載酒堂 州東南東坡和陶田舍始春懷古詩引云儋人黎子雲兄弟居城東南躬農圃之勞偶與軍使張中同訪之居臨大池水木幽茂坐客欲爲釀錢作屋余亦欣然同之名其屋曰載酒堂元虞集柳貫皆有詩

秀香堂 在城北宋李光謫居時構

尊賢堂 州治東宋蘇軾所居郡守韓景先建此以祀軾

吏隱堂 州城北隅宋知軍陳仲平建李光名之仲平有詩

繼美堂 州治東宋知軍陳適建以其父中孚亦嘗爲守故名

湧月亭 城北下臨大江宋李光名之取杜甫月湧大江流之句

賓燕亭 城南宋蘇軾舊居知軍陳覺有詩

問漢亭 在大江橋上明澹菴命名李泰發有詩

桄榔菴 城南二里旁有桄榔林宋蘇軾謫儋時結菴其下嘗摘葉書銘記之菴南有清水池宋胡銓李光嘗游處

卻金亭 昌化縣明士民爲知縣潘世元建

黎順亭 萬州東山嶺下宋端平中知軍劉椿有德政民爲立亭刻石紀績今碑尚存軍判陳德裕有記

盛德堂 崖州水南村輿地紀勝云河東裴閭義守昌化居於吉陽胡銓名其堂曰盛德有銘

望闕亭 州城南唐李德裕爲司戶時建德裕有詩云獨上江亭望帝京鳥飛猶用半年程青山也恐人歸去百匝千遭繞郡城

洗兵亭 州西南宋胡銓與郡人陳迪功建取杜甫詩淨洗甲

廣東考古輯要

卷十三

第七

三十五

兵長不用之意

相公亭 在州南競田田宋丁謂所居

江亭 州西元參政王士熙謫居時建

永思亭 州境明成化初學士許端惠秩滿去弟子爲建此亭逸賢崗 在州西南有茂林脩竹宋胡銓遊覽愛之闢爲崗初有六客旣而一客後至遂用六逸七賢而名

陽江廳

濂溪書院 宋建於南恩州北後燬元大德間復建於城西天厯中知州張允明徙於州學之東有光霽堂元末廢

西樓 在舊南恩州西城上宋王互有詩

清暉樓 廳境宋蔡僉判建久廢宋畱碩詩云萬古龍濤山水窟何人携向嶺邊州朝來蜃氣連城白幻作恩平第一樓

和理堂 在古西園宋政和間知州游經作

隆蔭堂 廳治西宋慶元間黃公度建公度有詩

瑞禾亭 廳東東山之陽宋咸淳中南恩州嘉禾三穗郡守涂
久大建鏤嘉禾二字石刻尚存亭廢

熙春亭 廳東山上高跨嶺首宋元祐初知州徐輔建元璠璐
珣詩亂山東去奮蒼龍一水西流走玉虹向日熙春臺上樂
年來孤負幾東風

望海臺 廳南宋紹興三年知州王治建久廢宋胡銓有詩

揖翠亭 廳境宋邑人何氏建胡銓詩青山如高人可揖不可
致

借山亭 廳境明謫官沈思孝故寓海瑞有陽江借山亭記

西園 在舊州治西喬木怪石蕭然出塵亦名盤玉壑宋乾道

廣東考古輯要

卷十三

第七

三十六

中知州李綸磨堂側大石鏤曰西園勝槩和理堂韞玉亭隆
蔭堂靜明庵俱在焉又舊州東有東園今俱圯

連州

虞帝行宮 在丹臺觀左宋寶慶間州牧史念祖建今圯

天衢書院 在靜福山五代時郡人黃損肄業處

唐劉瞻故宅 在翠峯寺今劉丞相詞卽其祉

畫不如樓 州城西唐劉禹錫詩有剡溪若問連州事惟有青
山畫不如之句

望雲樓 州北城上宋郡守林槩建有望雲賦

雙溪閣 在雙溪上宋紹興間郡守王大寶建張浚有銘

養源堂 在龍津門內鄉賢陳宗諤肄業之所旁有資深齋宋

張栻有詩

濯纓堂 在廢湟川驛宋建張浚有記

致一堂 在熙仁門外宋歐陽獻可讀書之所張魏公嘉而名之爲作記

五賢堂 州學內宋端平間知州留元長建以祀韓文公劉刺史張魏公朱文公張南軒

壽椿堂 在楞伽峽上宋司法李華有治水功郡守留元長從州民請爲堂肖像以壽華云

燕喜亭 州城北唐貞元間吏部侍郎王宏中謫官時建韓愈爲記五季燬明成化中重建

湖上十亭 在海陽湖上唐刺史劉禹錫建曰吏隱曰切雲曰英雲潭曰元覽曰裴溪曰飛練瀑曰蒙池曰芬絲瀑曰雙溪

日月窟唐元和間裴侶以御史坐事貶連州嘗與禹錫唱和

廣東考古輯要

卷十三

第七

三十七

其間謂之海陽十詠

飛泳亭 在龍津門外雙流交會巖石幽絕唐爲祝聖放生之所刺史蔣防有磨崖記

海陽亭 州城北唐呂溫有發道州答崔三連州題海陽亭見寄詩

元豐十二亭 州境曰燕喜曰四望曰八顧曰百花曰擷秀曰蓮照曰清暉閣曰都景樓曰海陽湖曰峽山峒曰大雲峒自四望以下始建未詳宋治平以前亭名已廢至元豐初知州杜抃乃刻石正之

紹興十二亭 州境曰燕居日月窟曰眞覽曰振鷺瀑曰飛練曰君子曰天澤曰卧龍曰鍾美曰十韻曰聚秀曰勿幕有郡守徐常記天澤以上因唐人遺蹟卧龍以下乃後人所創宋

紹興知州陳煜重建

列秀亭 在崇儒坊東宋嘉定中建張魏公在連朝夕登眺焉

福泉亭 在靜福山石甃流盃池爲福字

壽泉亭 在北山寺右石甃流盃池爲壽字

尊韓書院 陽山縣東唐韓愈讀書於此因建書院

釣魚臺 縣東三門灘下唐韓愈嘗釣於此下有釣磯石案昌

黎在陽山送區册序與之蔭嘉木坐石磯投竿而釣陶然以樂卽此石也

讀書臺 縣北三里游息洞之旁亦韓愈故址

羅定州

雙龍勝槩亭 在瀧水城南一里明成化間僉事陶魯愛其地

築亭鑿池別有澄心進思退補拱北四亭繞焉

廣東考古輯要

卷十三

第七

三十八

愛松亭 在瀧水南門外明正統間僉事彭琉植松縣丞魏瑤作亭

南雄州

舊蒙古學 州南門內元設官生習蒙古字進奏表牋儒學撰

文蒙古學校勘書之

孔林書院 在乎林村唐孔戣爲嶺南節度使子孫遂家焉宋

建隆七年裔孫孔閏創建書院陳叔秀記

梅銷故宅 在梅嶺嶺有紅梅驛驛有城當嶺路南北之中累

石爲門相傳銷家在焉

叱馭樓 在庾嶺上宋余靖有詩

瑞相堂 在府治內宋守章郇公得象入相時有瑞蓮之異收名後郡守李著改曰景郇

靜春堂 在瑞相堂東宋郡守李著建取程伊川靜則萬物同
春之義

四并堂 在府治內宋郡守潘快作公謹清通四箴因名推官

張瑱記 案輿地紀勝碑目
作潘俠蓋刻異耳

至和堂 州境宋陳公祐十二世同居明知府江璞題以美之

七松堂 在五里山明知府江璞創地有古松七株故名明鄧

本元有詩

通越亭 在大庾嶺上宋余靖有詩

來雁亭 大庾嶺上宋余靖有詩

種玉亭 在府治內宋章得象建旁有小池環植白蓮

望遠亭 府治西北宋章得象建宋郭祥正有詩

望安亭 府治東宋章得象有詩

廣東考古輯要

卷十三

第七

三十九

文獻鄉邦亭 在迎春亭右明宏治中嶺南道袁慶祥重立張

九齡開鑿嶺路碑於此

三松臺 州境宋嘉定時吳人張震謫雄寓光孝寺見三松蒼

翠偃蹇因作臺登眺

聽雨軒 在瑞相堂後池中宋章得象建初名八卦亭

珠璣巷 在沙水寺前相傳廣州諸望族俱廢源於此

張九齡故宅 **始興**縣西南桂山下山幽水秀花木長春几案

戶庭皆石琢就見方輿勝覽 按九齡新唐書直云曲江人而
舊唐書本傳則云曾祖某韶州

別駕因家於始興今爲曲江
人是九齡亦嘗居始興也

梁太子書堂 在縣治南相傳梁昭明太子往尋傅大士講經

居此

嘉應州

雙忠書院 城內東北隅明嘉靖間建祀劉元城文文山二賢
今培風書院卽其舊址

鐵漢樓 州境宋劉元城嘗安置於此數年不以險阻動心蘇
軾以爲鐵漢宋人建以表其節知州楊應已慕其人又建鐵
菴銘之

凌風樓 州城南樓祀文信國公明潮州知府郭子章建有記
七賢堂 在百花洲宋知州劉煥建七賢者程處士張曲江韓
昌黎劉元城狄武襄文信國蔡梅庵也

曾井亭 城西梅峯之東井爲南漢時程鄉令曾芳所鑿宋皇
祐中狄武襄征儂智高軍士疾癘禱於井水溢飲之而愈奏
凱仁宗賜飛白書曾氏忠孝泉五字咸淳七年知州蒲壽晟
建亭井上今亭廢井尚存

廣東考古輯要

卷十三

第七

四十

相公坪 縣西北形勢平垣唐相張九齡微時過此耽山水之
趣盤桓不忍去後人名其地爲相公坪

羅學士故居 **興寧縣**墨池上舊有祠曰學士堂曰翰林明洪
武間燬於兵今遺址尚存

勅書閣 縣東南明義民薛玉建以藏勅書

攬轡亭 在縣境明章綸有記

乾坤一覽亭 縣南六里明嘉靖中知縣羅衣建

最高亭 **長樂縣**西明僉事施儒建翁瀾有詩

卻金亭 城西二里雷公墩祀明知縣李德用明葉夢有記

長樂臺 縣西北五華山下一名尉佗臺

河陽花館 在董園明天啟中士民爲知縣潘藻建

五子山書屋 **平遠縣**萬曆四十五年建一名蘭臺居

思亭 鎮平縣石窟都相傳宋知州劉安雅瀕行父老送之餽
以贐不受乃建是亭今圯

欽州

天涯亭 州東門北畔臨水宋余襄公守郡時建陶弼有詩

三山亭 州治南三山嶺上宋建陶弼有詩

鴻飛亭 在東門外游魚洲上明知府林希元建取東坡鴻飛
那復計東西之句以名